

ESCOTA PLAN, N'EI PAS TRÒP TARD



Gilabèrt Nariòo – Los de Nadau

Escota plan n'ei pas tròp tard,
que n'èi passat tant de camins,
escota plan n'ei pas tròp tard,
uei que me'n torni tau país.
Que tornarèi lhevar las pèiras
de tots los castèths desbrembats,
poiràs ausir capvath las sèrras
los reclams de ma libertat.

Escota plan, n'ei pas tròp tard,
tà ua flor, tà un matin,
escota plan, n'ei pas tròp tard,
anueit, lo vent que m'ac a dit.
Que ns'an macada la montanha,
l'an macada dinc a la sang ;
i aurà pas mei nada castanha,
mes saps que'ns demora lo transc.

Escota plan, n'ei pas tròp tard,
lo temps de la mia cançon,
escota plan, n'ei pas tròp tard,
uei qu'èm a la bèra sason.
Que'm pelejarèi dab la tèrra,
Dab l'espèr dens las mias mans,
e dens lo vent ma colèra
entaus casaus abandonats.

Escota plan, n'ei pas tròp tard,
que n'èi passat tant de camins,
escota plan n'ei pas tròp tard,
uei que me'n torni tau país.